

新修曲沃縣志卷之十九

封爵表

宦績 仕籍附

五等之爵列于達尊光宗蔭子列代殊恩有功家國福及子孫恩德所被豈惟一身 志封爵

西周

晉成侯 (鄭元詩譜)成侯徙居曲沃。近平陽焉。(朱子詩經

集傳)成侯後徙曲沃。

晉厲侯 (史記)成侯子福。是為厲侯。

晉靖侯 厲侯子宜臼。是為靖侯。

晉僖侯 十八年。靖侯卒。子司徒立。是為僖侯。憂深思遠。甚嗇愛物。儉不中禮。詩人為之賦蟋蟀。

新修曲沃縣志

卷十九

第四表 封爵表

一

晉獻侯 十八年。僖侯卒。子籍嗣。是為獻侯。其子穆侯。於周宣

王十六年。自曲沃始都絳。(史記年表)

東周

曲沃桓叔 平王二十六年。晉昭侯封其叔父成師於曲沃。是為桓叔。桓叔好德。曲沃強盛。晉國之眾皆附焉。詩人為之歌揚之水。賦椒聊焉。

曲沃莊伯 桓叔卒。子鱣立。是為曲沃莊伯。

曲沃武公 莊伯卒。子稱代立。是為曲沃武公。十九年。弑哀公。二十八年。滅晉侯緡。盡以其寶器賂周釐王。王命以一軍為諸侯。國人為之賦無衣。

晉景公 成公子據也。居故絳。十五年。晉人謀去故絳。從韓獻

子言遷於新田。即今侯馬地。

晉厲公 景公卒。子壽曼立。是爲厲公。威諸侯。霸天下。然多外嬖。卒殺大夫三卻胥童以喪其身。

晉悼公 襄公少子也。厲公被弒。諸大夫逆公孫周於京師而立之。是爲悼公。己亥朝於武宮。逐不臣者七人。修舊業。施德惠。舉賢納諫。君明臣良。六官之長。皆爲民譽。八年之中。九合諸侯。三駕而楚莫敢與爭。召陵城濮。何以加焉。

晉平公 悼公卒。子平公彪立。修禮來遠。因信先霸。雖政歸八卿。然三合諸侯。七合大夫。安內攘外。猶爲姬姓盟主。王室賴之。

晉昭公 平公二十六年卒。子昭公夷立。韓起厥慙之會。以謀

救蔡。親合諸侯於平邱。治兵以示威。使荀吳帥師伐鮮虞。有用兵禦狄之畧焉。

晉頃公 昭公六年卒。子頃公去疾立。六卿強。公室卑。公以陸渾之戎。密邇王室。使荀吳滅之。黃父之會。合十國諸侯大夫。以謀王室。知躒趙鞅。納王入於成周。使成公般成周。扈之會。令成周謀納魯昭公。不果。時政在魏獻子矣。

晉定公 頃公卒。子定公午立。范鞅代魏舒爲政。使韓不信會諸侯。城成周。罷守戍。六年。會劉子合十八國之師。以伐楚於召陵。雖五霸未有盛於此也。

晉出公 定公卒。子出公鑿立。十七年。知伯與韓趙魏。共分范中行地以爲邑。出公怒。告齊魯。欲以伐四卿。四卿恐。遂反攻

出公。公奔齊。死於道。

晉哀公 出公死。知伯立昭公曾孫驕。是爲哀公。當是時。國政皆決於知伯。公不敢有所制。知伯遂有范中行地。最強。四年。趙襄子。韓康子。魏桓子。共殺知伯。盡并其地。

晉幽公 十八年。哀公卒。子幽公柳立。幽公之時。晉侯反朝。韓趙魏之君。晉獨有絳曲沃。餘皆入三晉。十五年。魏文侯初立。晉烈公 十八年。盜殺幽公。魏文侯以兵誅晉亂。立幽公子止。是爲烈公。十九年。周威烈王賜晉大夫韓趙魏皆命爲諸侯。晉孝公 二十七年。烈公卒。子孝公頎立。九年。魏武侯初立。襲邯鄲。不勝而去。

晉靖公 孝公卒。子靖公俱酒立。二年。魏武侯。韓哀侯。趙敬侯。滅晉而分其地。遷靖公爲家人。晉絕。不祀。

漢

絳侯周勃。沛人也。佐高祖。定天下。賜爵列侯。剖符。世世勿絕。食絳八千一百八十戶。號絳侯。歷封三十三年。文帝十一年。卒。謚曰武。

絳侯周勝之 文帝十二年。嗣爵。元鼎五年。國除。

絳侯周共 平帝元始二年。復封勃六世孫共。紹爲絳侯。邑千戶。

絳陽侯華無害 (史記)以越將從。起留入漢。定三秦。擊臧荼。侯七百四十戶。從攻馬邑及布。六年。七月戊戌。封受絳陽侯。文帝三年。卒。謚曰齊。

絳陽侯華勃 文帝四年嗣爵。十六年薨。後三年謚曰共。

絳陽侯華祿 文帝後四年嗣爵。七年景帝四年坐出界國除。

宣帝元康四年詔復功臣之家。以絳陽侯曾孫於陵大夫華告。詔復家。

汾陽侯靳彊 其先西河縣人。以郎中騎千人從。起陽夏。擊項羽。以中尉破鍾離昧軍。功封汾陽侯。十一年薨。高后二年謚曰嚴。今其子孫歷漢唐宋元明。世居邑曲村鎮。侯墓在方城村。

汾陽侯靳解 高后二年嗣爵。三十三年薨。景帝四年謚曰共。

汾陽侯靳胡 景帝四年嗣爵。嗣十二年絕。不得狀。後謚曰康。

汾陽侯靳石 武帝元鼎五年嗣封。九年太始四年坐為太常

新修曲沃縣志

卷十九

第四表 封爵表

四

行幸離宮。道路苦惡。太僕敬聲繫以謁聞。赦免。宣帝元康四年復功臣之家。汾陽侯元孫長安公乘靳忠。詔復其家。

唐

江王孫李希悅 高宗十二子。江安元王祥之孫也。嗣爵。兼右衛絳州新田府折衝都尉。開府新田。

惠宣太子孫李迥 讓皇帝惠宣太子業之孫。柔陽郡王瑒之子。嗣薛王。兼絳州新田府長史。

絳王李悟 憲宗第六子。元和元年由文安郡王晉封。自元宗以後。諸王不出閣。不分房。

宦績

周

**韓** 萬 桓公庶子。莊伯弟也。由沃武公伐翼。萬御戎。遂翼侯於汾隰。獲之。及欒共叔。萬得封

於韓原。曰武子。因以韓為氏。

**里** 克 咎繇之後為里氏。克其後也。太子申生傳。獻公使申生伐東山。畢落氏。克曰。太子奉

冢祀社稷之粢盛。以朝夕視君膳者也。故曰冢子。君行則守。有守則從。從曰撫軍。守曰監國。不可以帥師。公不聽。太子曰。吾其廢乎。對曰。子懼不孝。無懼不得立。修己而不責人。則免於難。後太子縊於新城。獻公卒。奚齊。卓子。相繼立。皆為所殺。惠公立。克伏劍死。少子季連逃居相城。因為相里氏。

**羊舌大夫** 申生尉。太子被讒。或勸之行。曰。不可。違命不孝。棄事不忠。雖知其寒。惡不可取。子

其死之。孔子曰。其少也。恭而順。長而好禮。此羊舌大夫之行也。子驥。悼公命佐元尉。

**韓** 厥 萬之孫。事景公為司馬。敗齊於鞍。後晉人謀去故絳。用其謀。遷於新田。厲公時。將下

軍。敗楚於鄢陵。悼公時。厥為政。晉復伯。卒諡曰獻子。

**韓** 起 厥次子。事悼公。平公。聘於周。對詞不失。聘魯。觀易象春秋。聘鄭。與諸大夫賦詩。末年。

代趙武為政。卒諡曰宣。嘗與晉賢人田蘇游。

**羊舌赤** 職子。一名銅鞮伯華。祁奚舉以佐中軍尉。孔子曰。銅鞮伯華而無死。天下其定矣。其

新修曲沃縣志

卷十九

第四表

封爵表

宣續附

五

幼也。敏而好學。其壯也。有勇而不屈。其老也。有道而能下人。

**羊舌盼** 職次子。字叔向。習於春秋。以德義輔君。悼公使傅太子。平公即位。為太傅。事悼。平。昭。

三公。幾四十年。以博識閑禮聞。列國政治會盟。皆訪焉。而後行。晉國賴之。孔子稱為古之遺直。事詳《春秋》。《左傳》。其先。晉武公伯僑之後。伯僑孫突。為羊舌大夫。因以為氏。盼子食我。死欒氏之難。其子孫逃於華山山谷。為楊氏。

**祁** 奚 晉獻侯之孫。英。食采於祁。遂以為氏。奚事悼公為中軍尉。請老。公問代者。稱解狐。其

讐也。會狐卒。又問。對曰。午也可。羊舌職死。問孰可代。對曰。赤也可。於是使午為中軍尉。羊舌赤佐之。君子謂稱其讐。不為諂。立其子。不為比。與其偏。不為黨。

**祁** 午 奚子。好學而不戲。守業而不淫。柔惠小物而鎮定大事。有質直而無流心。以父舉為

中軍尉。軍無稅政。

**張** 老 晉公族。至老始著。悼公時為侯奄。後使為卿。辭曰。臣不如魏絳。公五命之。固辭。乃使

為中軍司馬。趙文子為室。斲其椽而礮之。張老責其貴而忘義。富而忘禮。

**程** 鄭 荀氏別族。端而不淫。好諫而不隱。悼公時。為乘馬御。六駟屬焉。使訓羣騶。知禮。

漢

靳安漢 信武侯歆元孫。爲長安上造。漢宣帝元康四年。詔復功臣之家。安漢旅居曲沃。得復家。

周廣漢 絳侯勃曾孫。爲槐里公乘。漢宣帝元康四年。詔復功臣之家。以廣漢賢。請復家。

周明 汾陰侯周昌之後。前漢書。漢宣帝元康四年。詔復功臣之家。以汾陰侯周昌曾孫沃國士伍明。詔復其家。顏師古曰。明。舊有官爵。免爲士伍。而屬沃侯之國也。

張壽 字仲吾。晉大夫老之後。能決大疑。定大計。初舉孝廉。除郎中給事。謁者。遷竹邑侯。相。建甯八年。年八十卒。

唐

靳家謨 曲村鎮人。汾陽侯之後。綱目。隋末。爲朝邑法曹。大業十三年九月。唐高祖起兵太原。郡邑望風歸款。世民克臨汾絳邑。自龍門濟河。直抵韓城。家謨以蒲津中潭二城歸唐。後授金紫光祿大夫。蒞官明敏。通達時務。

裴泰 其先聞喜人。曾祖鴻智。襄州長史。高邑縣侯。祖師武。周金吾大將軍。父懷感。忠州刺史。泰田河南左參政。工州刺史。累官中書令。徙曲沃大李村。舊志。稱其居鄉謙謹。無貴顯驕。

新修曲沃縣志

卷十九

第四表 封爵表 官職附

人態。休休之度。此其一班云。今子孫繁盛。唐楊評事集中。有送河東裴泰序。柳河東稱爲人文之選云。

宋

許孝恭 高縣鎮人。醇化三年進士。任彭州九隴縣尉時。李文吉刳州官。吏盡避。孝恭獨率公徒擒之。官虞部員外。

史緒 字仲昌。神宗時爲左清道帥府副。遷驍衛將軍。爲人忠厚寡言。外貌莊嚴。內懷明恕。雖家人相對無惰容。居官決讞持平。不移於私。卒贈左武衛大將軍。子籍。尚書比部郎中。符石州軍事判官。孫祥。嘉州司法。基。贈朝散大夫。純。文林郎。平。宣教郎。深。奉議郎。方。絳州司戶。曾孫安民。朝奉郎。安宅。從政郎。

元

許天麟 字君祥。琇之孫。博學能文章。以胄監伴讀。尹河津。同知堅州事。崇寬大。黜奸慝。民尸祝焉。以奉訓大夫。晉冀路判官致仕。子益。專精學問。善楷書。工詩。由國學生除國正。未及強仕而卒。

許德基 益子。出監生。官忻州判官。有政聲。尋遷晉城知縣。繼玉沙知縣。興學校。重農桑。均賦。

役政尚嚴明。盜賊屏息。剖判曲直。悉當其情。訟以簡少。引年致仕。工楷書。所遺碑記。人爭寶之。子元。以儒宿稱。

**許國楨** 字進之。高縣里人。祖濟金。絳州節度使。父日嚴。榮州節度使判官。皆善醫。國楨博通

經史。尤精醫術。世祖在潛邸。以醫徵至。瀚海。留守。掌醫藥。莊太后有疾。投劑輒愈。世祖即位。授榮祿大夫提點太醫院事。賜金符。至元三年。改授金虎符。十二年。遷禮部尚書。嘗條奏節財賦。禁服色。明法律。嚴武備。設諫官。均衛兵。建學校。立廟儀等事。多獲施行。凡所薦引。皆知名士。拜集賢大學士。進階光祿大夫。卒。年七十六。特賜金紫光祿大夫。諡忠憲。追封薊國公。

**靳和** 汾陽侯後。喜畧貧乏。導人以善。金貞佑間。兵擾。團結鄉勇。以為保障。後率眾歸元太

宗。賜以金符。官鎮南大元帥。復從破河南。授絳州軍民長官。

**許辰** 字君輔。國楨子。從國楨事。世祖於潛邸。進退莊重。世祖即位。賜名忽魯火孫。令從許衡學。入備宿衛。忠慎小心。俄除禮部尚書。提點太醫院事。每外國使至。必命與言。辭理明辨。莫不傾服。以與丞相安童善。國政多所贊益。成宗即位。命以中書右丞署太常事。又改陝西行中書省右丞。關中饑。議賑。辰曰。若俟命下。無及矣。擅發之罪。吾自當之。遂大發粟。命亦尋下。晚得足疾。勅乘小輿入禁中。或使使即其家問之。卒。贈光祿大夫柱國。追封趙國公。諡僖。

新修曲沃縣志

卷十九

第四表 封爵表 宣慎附

簡。子道。陝西行省官使。

**李謙亨** 興道坊人。英宗時。以儒士辟。歷內臺御史。時。建西山佛寺甚亟。亨以歲饑。且東作方

興。上極諫。忤旨。遣置邊陲。然知其忠鯁。尋召還。授浙東海右二道廉訪使。卒。封隴西郡侯。諡忠肅。

**靳用** 字佑之。和子。六歲。從張理之學。壯為曲沃翼城令。有聲。改榮河尹。奉法循理。勸農興

學。拜監察御史。陝西漢中道按察司僉事。擢嶺北湖南道肅政廉訪使。臨民以德。執法不阿。所在頌之。終朝列大夫。晉甯路總管。子德政。邳州判官。德信將仕郎。德謙。禁直宿衛。德淵。贈兵部尚書。封西河郡侯。德昌。好學。善屬文。

**劉尚質** 字仲殷。張亭里人。博學能文。登泰定丁卯進士。任稷山令。守己廉平。邑人感德。遷翰

林編修。後拜內臺御史。忠直敢言。得風憲體。引年休致。日與學士靳榮題咏。邑人以二賢名之。

**靳榮** 字時昌。用孫。德淵子。博學能文。由進士官監察御史。骨鯁敢言。有古諍臣風。後轉奎

章閣承制學士。沃碑銘多出其手。邑人至今傳誦焉。

**王霖** 東莊人。元末貢生。任長沙縣丞。因陳友諒叛。於洪武二年流寓湘潭。世為湘潭人。積

明 德裕後。奕葉清通。其後學顏嘉靖癸丑進士。選庶常。任廣東提學。祀鄉賢。應中嘉靖丙戌進士。未仕。祀鄉賢。我輅及任。皆天啓辛酉舉人。長廕及岱。皆崇禎己卯舉人。岱另有傳。王命宣。王禹書。皆官教授。三畏任四川斷事。王長庚。王載。死獻賊難。載妻闕氏同死。王蒙亦同死。均詳湖廣省志。

明

仇

敬

字仲立。朔賢里人。元末。與郝修己同隱紫金山。篤學勵行。洪武初。舉鄉試第一。登進士。授綏德知州。政尚寬厚。綏人尸祝之。入名宦。歷陞鞏昌守。建學校。振士風。卓有政績。丁外艱。卒於苫次。子基。以布衣直諫。舉高麗平泉知縣。

李新民

家多積書。不求聞達。後以明經舉。任宣城知縣。歷官江西按察司僉事。廉介無私。引年致仕。

郝修己

洪武九年。以明經舉第一。任戶科給事中。改朝城知縣。操持清介。任滿。夫妻負囊而歸。尋擢刑部郎中。賜紫金山一區。今名郝家山。子孫世居焉。量徵糧五斗三升以示旌。

鄭

恭

字思敬。郟村人。天順八年。進士官行人。先後使崇陽靖江二王府。贈賄一無所受。擢

新修曲沃縣志

卷十九

第四表

封爵表

官績附

八

御史。彈擊不避權貴。陞四川僉事。改山東。晉湖廣副使。所至威惠旁達。善飲酒。終日不亂。政事之暇。寄情詩歌。著有一齋稿行世。卒於官。

郭

清

天順間。選貢。任陝西隆德知縣。廉潔自矢。有懸魚酌水之風。而軫念民艱。撫綏曲至。召父杜母。幾於兼之。

李

進

字時勉。成化己丑進士。任戶部主事。遷員外郎中。督餉宣府。出納公平。一應積弊。剔除殆盡。尋陞廣平知府。建石閘。引河水灌田。民食其利。再調濟南。青州皆有惠政。所在立祠以祀。歷官副都御史。巡撫宣府。時邊陲多事。進安輯招徠。舉廢政。革科擾。抑暴橫。廣屯田。飭邊備。核爵賞。興舉皆關大計。洪洞韓忠定文以豪傑士目之。

因

綱

東興里人。禮子。字叔大。精楷書。工古文詞。成化丁酉舉於鄉。授滄州知州。公正廉慈。絲纒無漁於民。素衣如貧士。人稱布員領。因爺。民罹法。矜而諭之。不愠。始加刑。既卒。貧不能還。上下贈賻。始得歸櫬。附載紡車。觀者莫不流涕。祀滄州名宦。

李

浩

字師孟。南莊人。成化甲辰進士。授都水主事。管呂梁洪。故有役夫數千辦椿草。歲費若干。浩悉罷之。令於農隙採備。改戶部。陞兵部員外。奉勅清理畿內土田。奪豪右侵占者。還之民。歷陞順天府尹。時劉瑾用事。貂璫求索旁午。浩抑不予。值久旱。上疏極言畿輔凋敝。請



罷不急之務。省浮費。陞通政使。瑾誅。即日擢兵部侍郎。遷禮部尚書。上勤政事。戒逸遊。重爵賞。抑奔競四事。不報。因乞休去。家居二十餘年。卒。年八十有五。賜祭葬如例。贈太子太保。諡莊簡。子孫科甲纒聯。終明世。文物之盛。爲一邑冠。乾隆丙子。裔孫海倡族修祠。縣官選其七代孫謙優免之。奉其祀。

**邢 彪** 宏治初。以貢授三原縣丞。公廉正直。冰蘖自矢。下鄉收糧勸事。自裹乾糶。後以考察罷職。貧不能歸。擇咸甯陋室以居。日展經史。怡如也。

**梁 綸** 朔賢里人。生而穎異。正德癸酉舉於鄉。除隆慶州守。剔蠹字嬰。七載政成。告歸。百姓擁輿挽留。爲立祠。尋入名宦。所著有稽古叶聲二卷。

**常秉彝** 常村人。正德己卯舉人。金縣知縣。謙恭慈愛。吏民悅服。陞葭州知州。

**梁 繪** 字文質。朔賢里人。監生。正德間。任光祿寺署丞。掌御珍。一夕。上微行入署。輒動御食。繪執勅責之。上怒。閣臣費宏。尚書楊一清等。奏繪恪恭守職。驚駕之罪宜赦。敬君之心可嘉。上意解。後陞河間府通判。清正廉明。餽遺不受。事有利於民者。殫力爲之。七載政成。致仕。與李莊簡輩爲率真會。歲時遊賞無虛日。年八十八而卒。祀名宦。孫煜。貢生。

新修曲沃縣志

卷十九

第四表 封爵表 官績附

**李廷寶** 字國用。居南薰里。嘉靖舉人。家貧以孝友自力。諸弟應授室。不惜多方稱貸。初宰清苑。會乘輿詣承天。竭蹶調劑。事集而民不擾。後兩守景耀。兩判淮鳳。陞左史。沿官三十年。與民休息。不事更張。沃舊無志。寶實首倡之。所著有先賢事蹟錄。曲沃辯。毅軒詩文。牧民懿矩。兵機要畧等書。行於世。

**李 鏞** 字伯音。浩子。嘉靖進士。初授縣令。輒罷節費。儲廩興學。一切與民休息。繼遷御史。務大體。不爲鷹擊毛鷲。然貪墨往往畏之。仕至兩京府丞。謝政家居。月旦必正衣冠。北面展拜。教子若孫。恒以無負國恩。無忝先德爲訓。卒祀鄉賢。

**仇 祿** 字君錫。敬後。博學鴻才。名傾三晉。以選首任襄陽通判。征苗之役。督餉無缺。後除登州。攝寧海文登二篆。皆有惠政。以疾乞歸。邑有大事大疑。當事者多造廬請決。

**許 遜** 字伯恭。琇後。博學遐覽。尤精春秋。嘉靖間舉於鄉。授河間令。守正不阿。會當路者厚需於遜。遜曰。貧緣捷徑。非吾寶也。遂拂衣歸里。囊無長物。築精舍。教育生徒。卒年七十有八。

**李尙思** 字從學。南薰里人。嘉靖戊午解元。隆慶戊辰進士。授刑部主事。法獄詳審。陞吏部驗封郎中。不阿江陵勢。繼補文選司。疏用江陵所逐諸賢。累陞都察院右副都御史。巡撫四川。除採木之役。歲饑請賑。川地連巴隴。番虜交伺。尙思扼險設伏。虜至殺鹿塘遁。繼糾松坪大

小黑水數十落。合謀入掠。尙思移師灌口。分兵追勦。勒石雪嶺而還。歷陞吏部右侍郎。再疏乞歸。卒。贈兵部尙書。子永培。萬曆己卯解元。

**李日強** 字元莊。少貧。喜讀書。事繼母最孝。嘉靖辛酉。以春秋舉鄉試第一。乙丑成進士。授宜陽令。裁里甲冗費。革歲供良馬。以治行高第。擢禮科給事中。會穆皇取太倉銀三十萬入宮。

日強抗言極諫。又有養儲德。崇實政疏。凡八上。報可。歷陞貴州左參政。屢疏致政歸。杜門課讀。自奉儉約。接人和易。值歲饑。賑粟百石。邑人霑惠。

**劉朴** 字華甫。小許莊人。隆慶戊辰進士。初任壽光令。值大水。城幾圯。竭力拯救。民賴以安。歲饑。賑粟煮粥。調劑有方。繼遷汲縣。廉明果斷。威惠兼濟。一如其在壽光時。尋陞戶部主事。

監兌鳳陽諸政。修明。後人取法焉。

**李大嘉** 字子美。南柴里人。隆慶戊辰進士。賦性廉介。初任清苑知縣。地衝民疲。大嘉裁夫馬。招逃亡。善政甚多。不干權貴。後擢戶部主事。權稅濟關。再晉正郎。督儲陝右。出納有方。勤勞

王事。卒於官。先是權濟關稅者。率起家不貲。嘉獨寒素如舊時。甲申。賊李自成過沃。嚴刑追餉。薦紳家無不被其毒荼。時嘉已歿。賊素知其歷任清介。於其家毫無所問。

**李日煦** 字叔和。廷寶子。隆慶丁卯舉於鄉。初除掖縣令。總賦平徭。民無負累。歲稔。發倉粟以

新修曲沃縣志

卷十九

第四表 封爵表 官績附

賑。往往多奇策。太宰趙稱曰。二十年來。無此賢令。尋擢大名府丞。攝開州。元城。長垣。大名。滑縣等篆。咸有惠政。去之日。民肖像祀之。後遷商州牧。以抗辭忤稅璫。拂衣歸。

**因柱** 字汝石。東興里人。隆慶貢生。授臨清州判。清田賈賑。修河造艇。皆有成績。三署州篆。

一署博平。又署泰安。繼監泰山香稅。胥著廉聲。擢安塞知縣。會災荒頻仍。焦心卵翼之。三月。而邑稱治。以告歸。與弟梓。構相友愛。三世猶同居焉。子其志。萬曆戊子舉人。令南皮。再補醴泉。不墜家聲。

**李承華** 字中素。浩孫。鏞子。嘉靖丁酉舉於鄉。丁未成進士。由行人擢御史。實軍伍。清夙弊。疏

逆鸞奸謀。陳備邊五策。言言忠盡。尋陞大理寺卿。以終養告歸。屢徵不起。中丞鄭嘗薦之。有云。志節孤高。才猷宏碩。遯跡山林。城市罕識其面。力行古道。田夫亦仰其名。蓋實錄也。所著有中素稿。亡卯。甲申。等集。藏於家。季子循。壬午舉人。任扶溝知縣。

**呂乾健** 字天常。東興里人。以進士任商邱令。興利除害。招流民三百餘戶。開荒田數百頃。治

行稱河南第一。轉計部郎。監兌館陶。綜理周密。得軍民歡心。去後。民伐石頌德。祀名宦。後轉餉雲中。事竣歸省。卒於家。所著有理學源流。奏使漫稿等書。祀鄉賢。孫兆麟。舉人。除臨邑令。未幾。解組歸。飲酒賦詩。雖貧不輟。

**李承志**

浩孫。鈞子。萬歷進士。初令汝陽。繼轉戶部。出僉蜀臬。分巡川北。申嚴法令。特著風采。改備兵威茂。恤軍撫民。馭番以信。番人畏且感之。陞環慶副使。值時劉難起。督餉無乏。寇平。賜白金文綺。弟承顏。好學。工書畫。著有詩稿。

**仇時隆**

字伯通。朔賢里人。舉萬歷己卯鄉試。授胙城知縣。縣役不均。時隆分鍵二總胥。各給紙筆。令疏其肥瘠。取相符者類之。編番豪家。率借縉紳為關白。姑高其則。未幾。刺紛來。則畧減以示寬。役遂平。邑王李二生。胥有文名。時隆獨甲王曰。李振秀。王氣昌。是科。王果前茅。泣任期年。以足疾歸。行李蕭然。邑人碑其治行於道周。以志不忘。子文茲。天啓元年恩貢。四年。舉人孫之遠。順治戊子舉人。俱工書法。之遠。更能為擊窠大字。

**仇時明**

字季哲。號紫岫。在城人。敬七世孫。兄時隆。舉人。知胙城縣。時古。進士。知松江府。明獨不事啣。熟韜畧。有鳴劍勒銘之想。神宗時。筮仕營伍。以軍功累陞南徐副總兵。多著壯猷。歷仕萬。泰。天。崇。四朝。崇禎初。內轉神樞營左副將。以并禦奏捷增級。陞京城內外巡捕。前軍都督府左都督。進階右柱國。特進榮祿大夫。誥封四代。邑人衛嵩誌其墓。

**張國光**

字賓吾。由舉人除屏山令。時苗民跋扈。方議勦。光以距我界遠。且性獲悍。得其地。不足耕。得其人。不足臣。不如撫之便。撫鎮用其言。苗遂服。尋擢同知彰德彰。獲璽進呈。以未報

新修曲沃縣志

卷十九

第四表

封爵表

官績附

十一

廠。忤魏璫。因命解豫。卒赴薊。約束嚴明。士卒無譁者。再擢戶部主事。轉員外。賚命封西番。卒於塗。子洪允。孫體壯。先後舉於鄉。居官皆有聲。孫象壯。博學能文章。以諸生老。士林惜之。

**許翰儒**

字文閣。南關廂人。崇禎丙子舉人。任安陸推官。寬猛互濟。從無留獄。以終養歸。後搜遺逸。起前官。以疾辭。

**王躍龍**

字見予。張少村人。崇禎間授羅山典史。時饑。民嘯聚。龍請軍騎說之。即日歸命。以功轉樂城主簿。龍至。迺築城垣。修戎器。聚民兵。嚴部伍。殲厥渠魁。樂民慶更生焉。中丞王某。嘉乃不績。擬列薦剡。卒以勤勞致疾。解組歸。

清

**衛周允**

字邵孫。東興里人。少喪父。與弟周祚奮起讀書。刻勵不少懈。前庚午舉於鄉。甲戌成進士。任金華府推官。理冤雪枉。豪強斂跡。許擊搆亂。監紀行間。悉平巢穴。行取四川道監察御史。前後疏數十上。大寮被彈去者十人。巡山海關。徧歷險隘。劾大帥懦弁不少避。復具疏直指當軸誤國狀。為所中。左遷西安府知事。清初。搜遺逸。起前官。出按畿輔兵荒。後萑蒲時發。周允招携貳散徒黨。一境晏然。又疏請州縣久任。以責成功。報可。還掌河南道。陞大理寺丞。遷少卿。服闋。補原官。尋授工部左侍郎。轉兵部左右侍郎。時逃人例嚴。株連滋累。上章力

言其獎。復陳軍國計五事。朝議韙之。會堂司以他事得罪。牽連鐫級。移病歸。生平臨池散帙。外無他嗜好。與人交。不設城府。然臨事屹如。雖利害不爲惑。歸田後。築園室西。所著有劫餘草。寄園藏稿。諸集。卒祀鄉賢。

### 衛周祚

字文錫。周允弟。崇禎丁丑進士。初任永平府推官。剔奸釐弊。克舉其職。歷陞戶部主事員外郎。郎中有廉聲。清初起考功司郎中。調文選。銓政叢弊。一舉而廓清之。每由部歸。輒鍵戶。謝絕請託。擢太僕寺少卿。累遷刑吏二部侍郎。工部尚書。賑濟畿南。全活甚衆。加少保。兼太子太保。改吏部尚書。閱數月。拜文淵閣大學士。兼刑部尚書。再加少傅。兼太子太傅。又進少師。兼太子太師。己亥辛丑會試。充大總裁。胥號得人。兩請假。馳驛給俸。如在官時。後復自家起。入輔政。具疏陳國計民生利病。事多施行。仍以少師兼太子太師。改戶部尚書。保和殿大學士。未幾疾作。乞骸骨歸。寵數視前有加。逾一年卒。壽六十四。諡文清。性廉潔。縝密。在政府二十餘年。不謀榮利。不求聲譽。卒之日。家無餘貲。癸未。聖祖西巡至沃。命內大臣致祭於其墓。御書表率班聯四字懸其第。今建坊焉。子台瑞。字玉汝。以廩歷官潼商道。少從學衛。萬能詩工書。好客嗜酒。性不喜問家人生產。卒窮困以死。人以爲無忝清門云。

### 賈漢復

字膠侯。少負奇氣。有大志。怨家造非言之。頻死不屈。清初。隸籍正藍旗。授佐領。累

## 新修曲沃縣志

### 卷十九

第四表

封爵表 官績附

十一

陞副都御史。兵部尚書。加宮保。兩撫秦豫。凡所興舉。皆關大計。比卒。歸葬於沃。先是陝西碑洞石經缺壞。漢復毅然鐫補。又平雲樓。復龍首。修倉龍嶺。新解州關壯繆祠。闕兩河稅。其先在豫。恤流離。更陞置墾荒蕪。先後修兩省通志。在京師建曲沃會館。施義墳百畝。在沃修養濟院。施漏澤園。創書院。延名儒以課邑士。置社倉田數百畝。以備凶荒。置市肆數區。取貨貲以爲文武士三年省試之費。邑城軒轅廟古路。淪爲市廛。竭資取之。仍捐諸廟。以故人懷其德。秦祀名宦。沃祀鄉賢。隨在謳思不置。弟漢誼。順治間官鬱林州。時經兵燹。地多荒蕪。誼躬履阡陌。審疆域。定賦役。利賴至今。祀名宦。

### 劉緝堯

字虞上。順治丁亥進士。歷官浙江紹臺巡道。時海氛未靖。有陳文達者。勢極猖獗。緝堯以德綏之。皆受安撫。當事以懲奸除弊。安插投誠。亟薦之。其他善政甚夥。臺士民製三臺異績記頌其事。子殿邦。任兵馬司指揮。

### 王大作

字蓬子。少負奇氣。與人交。患難死生不相負。順治己亥成進士。知洧川縣。始至。部民有某者來謁。某得幸上官。視藩臬若僚友。大作出據案。坐。目直上視。召某入。某長跪。候起居訖。廳之去。左右大驚。大作不屑也。以是淹滯於洧者十年。計十年中。約復流民七百餘家。實市廛三百餘戶。墾田一千七百餘頃。省義助銀七千五百餘兩。入爲行人司行人。以病歸。所

著有藥言錄書。惜閒堂咏。梅花吟。雁字詩。藏於家。

### 劉佐世

字佑君。張寨人。幼端莊好學。順治戊子舉於鄉。性至孝。嘗自都門。徒步至蘄州。迎父

榭。過黃州。遇風。舟幾覆。長號籲天。獲無虞。官高平教諭。課士有方。庚戌成進士。知霍邱。霍當兵燹後。民多質子女。踰期。輒沒為臧獲。為立禁。計備直。定歲月。久近悉遣還。大盜某潛掠遠近。密擒置諸理。奉多金求解。不可。遂自經。四境帖然。其他清編審。興水利。正文體。講律令。類多善政。三年霍大治。以病乞歸。中途資斧。貸之賈客。

### 許元卿

字天礎。小許人。順治丙戌舉人。任遼州平定州學正。再補陽城教諭。殫於其職。教澤

宏敷。適歲旱。邑令以事他往。卿代修雩祀。雨澤滂沱。陽人咸賦詩頌之。後陞長葛知縣。專心撫字。不事催科。旋車日。士民攀轅哭送者。六十里不絕。閱數十年。邑有客長葛者。猶聞父老謳思不置云。

### 衛台揆

字枚吉。周允子。以叔周祚廢。除順天治中。遷武選員外。改職方郎中。時滇逆初平。稽

核功賞。無濫無屈。原洋犯趙士相等二十六人。為漳州守。修雩祀。發倉廩。減價平糶。以蘇民困。繼調臺灣。臺孤懸海外。未漸文教。兼控制琉球。日本。荷蘭諸國。號稱難治。台揆整飭吏胥。馭之以嚴。時以禮義導其民。俾皆讀書習字。期年。番俗一變。遷兩廣鹽運使。以病歸。卒。

## 新修曲沃縣志

### 卷十九

第四表

封爵表

官績附

十三

### 秦廷獻

字和璧。小李人。以副貢任中書。遷戶部主事員外郎中。監西新倉。出納平允。弊絕風

清。繼為惠州守。時軍務迭興。兼惠自兵燹後。凋殘不可為理。廷獻加意拊循。省歲費鉅萬。至於培人文。正風化。杜誣告。却餽遺。惠民皆勒歌頌之。

### 呂猶龍

字爾霖。籍隸正紅旗。故邑人也。起家平湖令。潔己愛民。不避勞怨。甫二載。以艱歸。時

庫帑懸項。皆民逋累。平民感其德。不忍相負。請於官。置簿用鈐。權收於廟。願者聽。一時士民爭先踴躍。數日而集。猶龍泣止之。不能得。卒於補帑外。絲毫無所受。服闋。補岑溪。調博白。旋牧遼州。守宣化。由監司。啟歷藩臬。清正自守。一如令平湖時。歲戊戌。奉命撫閩。值臺灣土寇竊發。府治失守。全省震撼。時總督滿保。親督標兵。星赴廈門。省城糧餉軍需。一切策應事宜。猶龍相機調度。訖無失時。不數日。旋即撲滅。巨魁投首。先是猶龍屢以勦撫事宜。飛摺具奏。蒙旨有福撫呂猶龍臺灣事情。辦得很好。摺亦明白之語。事平。改撫浙江。浙故猶龍宦遊地。聞猶龍來。歡呼如得慈母。村田山館。漁婦樵童。皆引領願見。卒以勤勞致疾。甫抵任而卒。浙東西人。至今哀之。于大雲。大成。大官。大和。大文。大本。大綱。大中。雲官揚州太守。

### 賈國楨

字伯幹。漢復子。以明經授蕭山知縣。屏貨賂。絕請托。精勤明敏。執法如山。嘗與學造

士。士氣奮興。數年之間。文風丕變。卒於任。百姓哀之。為肖像以祀。弟國楹。令齊東。仁恕明敏。

竟其任。案無留牘。民無逋賦。署武定新城。再漉商河。所至有循聲。陞興安州。以病歸卒。

**裴衝度** 加厚子。字晉賢。由例貢授南河通判。累陞四川分巡。永甯道。按察司僉事。蜀苗探雜處。號難治。衝度以恩義結之。所至帖然。繼遷湖南分守。岳常道。布政司參議。潔己愛民。捐俸修堤。兩郡士庶。勒石以志不忘。後署臬篆。慎刑察隱。獄無冤民。尋解組歸。卒於家。

**裴倬度** 字晉武。大李莊人。由例貢官刑部主事。監督中南倉。有能聲。進員外郎。遷戶部郎中。出守雲南潯江府。調廣南府。胥著清操。累陞湖北按察使。發奸摘伏。人以為神。由貴州布政使。陞江西巡撫。奏免浮糧。修白鹿洞書院。建節備倉。移九江關。在任年久。善政甚夥。恩賜額。頒。不可勝紀。內遷左都御史。未及補。因屬員侵漁倉庫。謫南浦驛。尋得還。素工詩。兼精翰墨。為部郎時。御試書法。列第四。家居數年。七十三而卒。

**崔致遠** 字靜君。望絳人。性剛介。讀書識大節。以進士官四川大竹令。撫瘡痍。戢強暴。興學勸農。風土丕變。竹邑山樹。突生白蠟。民利賴之。異政播遠近。行取入都。竹民扳轅泣。由吏部主事。屢遷吏科掌印給事中。感深圖報。語揭肺肝。諫草隨焚。不以市直緣疏科臣事。世宗憲皇帝以前明楊繼盛擬之。尋遷如盛官。丁外艱。返。以浮議羅讞。決擬置辟。事聞。減戍艾湖。潛心易理。居十年。遇赦歸里。日事丹鉛。成就後進。數百里外。皆負笈從。精書畫。海內咸寶之。所著

### 新修曲沃縣志

### 卷十九

第四表 封爵表 官績附

### 十四

有易註洪範傳行世。詩經釋義。徵道堂集。藏於家。七十八歲卒。

**張暉樞** 字光辰。朔賢里人。天性孝友。博學能文。以進士。初官齊河令。抵任。問民疾苦。廉知劫盜數人。擒渠魁。置之法。齊舊有漕運。民困轉輸。曲達大吏。改官運。賑饑課農。興學造士。諸惠政。齊人士勒諸珉。報最。擢戶部員外。勤慎有能聲。奉世宗憲皇帝諭旨。張暉樞端方可用。尋陞山東司郎中。出守永州府。未三月。擢江南驛鹽巡道。一切支解收發。躬親考覈。弊絕風清。吏畏而民愛之。督龍江西新二關稅。以廉潔著。入補禮部郎中。旋丁內艱。歸不復出。居家。簡樸類寒素。好讀書。至老不倦。邑人士多所造就。學者稱止園先生。年八十有二。無疾而卒。

**裴繡標** 字端章。律度子。由例貢授中書。出守邵武。在職二年。力除積弊。設義學。除羨餘。修橋梁。清保甲。彰善瘴惡。勸農課桑。善政班班。邵武民至今尸祝焉。

**杜增煜** 字耀生。朔賢里人。康熙乙酉舉於鄉。以明通授文水教諭。加意造士。文風丕變。還江南望江知縣。江地僻民刁。土豪朋黨為奸。煜密擒數人。置於理。四境帖然。俗多因墳山興訟。煜單騎親勘。不一年訟息。徵收錢糧。均平漕運。剔弊釐奸。士民咸服。為作歌以頌之。後任甯鄉教諭。造士如在文水時。歸里日。課讀問耕。優游以老。

**秦錫琿** 字瑋友。小李人。由進士任繁昌知縣。後補興安。調彭澤。時彭數易令。案積如山。琿精

勤檢閱。午夜不懈。不三月。積案俱清。剔弊懲奸。吏畏民悅。間以事赴諸村鎮。裹糧自隨。不以纖毫爲民累。自奉清苦。有寒士所不堪者。卒以勞勩致疾。歿於官。祀名宦。

**王名捷** 字翰飛。西莊人。由癸丑會魁。官河南靈寶知縣。持躬廉介。馭下寬仁。時隣邑多蝗。捷不避炎暑。踏勘四鄉。大雨滂沱。蝗不入境。尋調江南祁門知縣。攀轅送者數十里。抵任後。革陋規。修書院。頌聲大作。辛酉同考。所拔皆知名士。未幾歿於任。民肖像祀之。兄名儒。邑庠生。天性孝友。好學不倦。所著有易芻蕘。於家。

**趙繼唐** 字元君。臺神人。少孤。與衆兄友愛最篤。資敏嗜學。由選拔知益陽縣事。前令忤上官。上官諷唐揭其事。唐嘆曰。禍人以固寵。如此心何。卒以此被鐫。處之怡然。比歸。士民泣送。以崇文育士。潔己愛民。匾頌之。尋復肄業成均。試屢冠軍。授教習。秩滿。以候選教諭歸里。潛心理學。服膺近思錄。至老不倦。

**郝大成** 字毅齋。修己後。下西關人。少穎悟。爲文如夙構。戊午年二十舉於鄉。壬戌成進士。筮仕。得黔之開泰縣。縣故五開衛地。苗民雜處。大成蒞任。興利除弊。修志乘。崇文教。未幾歿於任。人多惜之。

**裴宗錫** 字午橋。號一知。總憲公粹度子。生於澂江郡署。署池有濁水。忽清之瑞。幼瑰奇。抗總

新修曲沃縣志 卷十九 第四表 封爵表 宣續附 十五

憲公最鍾愛之。隨任雲南江西十六年。侍總憲林下十五年。奉母讀書者又十年。始通籍。由山東濟南郡丞。擢青州守。力請賑饑。引博興湖諸水。開稻田數千頃。教民植荷種波羅。衣被甚廣。嗣調首府。分巡濟東。由糧道擢直隸臬司。丁母憂。服闋。仍補直隸臬司。陞安徽藩司。旋擢安徽巡撫。感激聖恩。懼無以報。稱。凡裨於國計民生者。靡不躬親勸諭。悉心籌度。據實入告。輒蒙溫旨獎允。於皖。則開漳葭港河。增築太平廬州江堤工。調黔則開貴東古州牛皮箐屯。在滇則籌畫銅政鹽權利病。屢蒙皇上嘉獎。以爲留心封疆之大臣。無何。因勞成疾。終於雲南官舍。天子聞之。悼惜。諭祭葬如例。子正文。候銓主事。五十一年。迎駕五臺。奉上諭。着加恩。交部。遇缺即補。任戶部。山東司員外郎。

**因秉彝** 綱後。康熙癸酉舉人。工詩。能文章。歷任陝西甘泉中部兩縣知縣。所至重農桑。興學校。善政最多。太常寺正卿史茂有贊。子監生學登。善書法。工尺牘。

**張宗輔** 字英公。號雨亭。觀察臚樞第五子。與兄宗顯同登雍正壬子科賢書。選河南新鄭縣。攝鄭州。調繁夏邑。丁艱歸。服闋。補山東禹城縣。充己卯鄉試同考官。爲人孝友誠信。歷官皆有惠政。廉潔自持。嘗奉觀察公手書。潔己愛民四字。懸于官署。其在鄭州也。值金川軍務絡繹。事集而民不擾。辦賑災。躬自履勘。民得實惠。在禹城。除漕糧積弊。吏胥皆憚之。

**張崇衡**

字亦平。號蓮湖。隰樞季子。乾隆己未進士。宰湖南新化縣。調繁湘陰。歷陞福建興化

府知府。清風惠政。所在民樂。所去民思。先是湘陰歲荒。具詳請賑。數上報可。萬民賴以全活。

**仇長發**

昌祚子。任臨縣訓導。造士有方。文教丕振。祀臨邑名宦。

**薛廷魁**

字春元。號秋圃。工文章。乾隆癸酉膺鄉薦。庚辰成進士。授陝西寶雞令。察吏安民。一

以至誠。不逾年而政成。以艱去。服闋。補浙江甯海。奉委辦杭州海甯柴塘。出所積廉俸以急公。口碑載道。甲午充浙江鄉試同考官。所錄皆知名士。凡在官興文教。修書院。設義學。培植士林。與民吏相接。不設機詐。人皆稱有元德秀風。

**蘇惠民**

字奉天。號慕堂。以舉人分發浙江。初攝臨安邑。有猛虎傷人。為文驅逐。限三日。虎果

潛匿。後補太平。多惠政。調諸暨。卒於旅邸。羅少宰源漢為誌銘。著有湖山寄士詩文集。行于世。

**張江**

字岷山。在城人。乾隆戊子登賢書。授崞縣學博。丁母艱。後補石樓。振興文教。造士有

方。拔萃科破二百年荒。卒於官。

**王醅**

字函元。號葯園。初任新泰令。清風自守。係毫不苟取。以廉能稱。調沂水。因私鹽拒捕

被吏議。遂解組歸。處之淡然。鄉黨重之。

新修曲沃縣志

卷十九

第四表 封爵表 官績附

**裴志濂**

字蓮友。號謹堂。由例貢官江南淮安府山安河務同知。修築河堤。工程永固。上加賚

之賜緞一疋。內遷刑部山東司員外郎。丁父艱。服闋。補刑部江蘇司員外郎。陞安徽司郎中。尋授江西南康府知府。清廉慈惠。至今稱賢太守。後丁繼祖母憂歸里。自號汾濱癡人。年七十而卒。

**高鵬起**

字搏九。與兄鳳起同登丙戌賢書。先後成進士。時有杜曲雙枝之目。嘗見知於督學

袁繼咸。繼咸精藻鑑。識相國衛周祚於微時。謂太原傅山有山林逸氣。愛鵬起才。賦詩以贈。初授馬邑縣教諭。改萬載令。闕浦賦。招逃亡。惠政班班。感袁知己之雅。撫其妻若孫。人服厚道。致政歸。著晴園文集。名世篇。傳世篇藏於家。鳳起字羽伯。亦有文名。官醴游知縣。

**許琳**

字岱嶼。日強孫。天性過人。日強罹橫逆時。琳年十二。抱頸大哭。加之白刃不懼。賊亦

異之。事繼母尤能得其歡心。康熙辛酉舉鄉試第一。丁丑成進士。授翰林。文名藉甚。召對暢春苑。稱旨。賜筆墨。後改知縣。以原品致仕。邑之文士。造就為多。

**裴世兆**

字瑞菴。大李人。天資卓越。博覽經史。時有書庫之稱。少夜讀。繼母憐愛。恐其過勞。數

巡其窗下止之。則以布被障其明。示以寢。乃潛玩焉。既食餼。試輒前茅。雍正癸卯。聯捷成進士。任永醇知縣。清廉慈惠。尋丁內艱。服闋。終養其父。十餘年後。補唐縣。一如其在永醇云。



**文壇** 字北斗。乾隆戊辰武進士。初任湖廣武昌衛守備。陞江西九江都司。會山東王逆亂。

轉運有功。事平。授文登協副將。

**秦武域** 字于鎬。乾隆庚辰舉人。歷任兩當安縣枝江知縣。兩當故荒僻。土瘠民貧。蒞任後。爲

之教農桑紡績。民漸以蘇。因創修兩當縣志。至安縣枝江。俱有政聲。致仕歸。嘉慶丁巳與修

縣志。

**李發英** 字鍾衡。西通里人。乾隆丙午魁鄉薦。壬戌成進士。尋授汾州府學教授。成就後學。秩

滿且內遷。卒於官。

**衛儒奎** 字冠五。南關人。中乾隆癸卯亞魁。大挑。授偏關訓導。因事忤上憲。奏請新疆。遇赦歸。

成就後進。負笈從遊者甚衆。

**衛子醇** 字樸山。南薰里人。乾隆己亥舉於鄉。乙卯大挑一等。告改二等。授高平教諭。卒年五

十五。

**趙國柄** 張王村人。任福建南平縣縣丞。催科不擾。其貧乏難徵者。捐廉代輸。民心感悅。致仕

後。猶樂善好施云。

**翟世甯** 字德輔。朔賢里人。以乾隆丁酉舉人。大挑分發廣東。初委積案。悉明允。及攝樂昌永

新修曲沃縣志 卷十九 第四表 封爵表 宦績附 十七

安諸篆。其在普甯。棉胡有扇擔會。鄰境皆憚之。而滅鐵柱三都等區。累年抗糧。悍甚。翟推誠  
布公。痛爲開陳。積習頓格。旋補授四會。以終養歸。

**翟聲煥** 字有章。世甯長子。以舉人初令順昌。將樂善息訟。尋以憂去。服闋。分發湖南。委修省

垣。工竣而民不擾。凡疑獄多委決。尋攝常德同知。會江西與湘潭。土著構釁。械鬪聚衆。動以

萬計。有司莫能制。翟微服潛往。廉得實。全活無算。旋以幹濟授乾州廳。苗民戴德。又歷署衡

寶等入府。繼署鎮筵兵備道。道光庚寅。上以苗疆重寄。詔見。廷對逾時。悉稱旨。上悅。即超授

實職。復任。值江華搖匪亂。徵鎮筵練勇會勦。功爲最。後署湖南按察使。以病歸。卒。

**翟聲玉** 字元音。初由縣丞復援例兵馬司副指揮。需次無期。會搖匪趙金龍叛。詔調各路兵

會勦。時兄煥觀察湖南。因請於兄。領鎮筵道標練勇。赴衡州軍督戰。焦勞晝夜。立水中不退。

玉急呼諸營。以火礮轟之。賊斃。事平。玉遂積勞。卒於湖南。蒙賜恤。贈都察院經歷。賞給葬祭。

廕子九芝。以主簿用。

**翟長清** 字朗山。初以通判筮仕於蜀。管理西藏察木多糧台事務。撫輯軍民。咸感慈惠。公餘

見城垣傾頽。稟請捐廉修理。既又添營房。設堆卡。建倉廩。工竣。奉旨。急公報効。着賞加同知  
銜。有缺。即補。尋歷署松潘雜谷二廳同知。廳故番漢雜處。夙稱難化。甫蒞任。曉以禮義。撫綏

蠻部。又建橋梁以濟人行。立祠廟以祀邊臣。遠人靡不率服。當以知府赴部候選。道經里門。卒於家。

**裴**

**振**

字西鷺。乾隆乙未進士。釋褐。官奉天府學教授。陞安徽蒙城令。無何。淮南饑。流民相望於道。振一面開倉賑濟。一面詳請上官。且請錢米兼放。民賴以活。後遷知亳州。州值饑疫。後。民多失業。振請市牛萬餘頭。給籽種。教耕稼。民胥復業。己酉。河決歸德。東灌於渦。水距城北門僅半里。振請以賑葺民屋之傾圮者。渦水下流武家河。疏閘導塞。以殺水勢。躬巡其役。迄今而民不擾。後以失報逃亡。罷歸。

**裴志灝**

字漢友。援例爲安徽寧國府同知。其分守寧國時。方王二姓爭山界。數百年未決。灝親詣丈量。正其欺隱。數日而訟息。其攝旌德時。全椒南陵等縣。所撥賑穀二萬石。道遠未即至。而民待哺嗷嗷。灝面稟上憲。因出庫存採買價銀若干。就近買米以賑。而應撥之穀。即交倉以備積貯。即以此事未經存案。爲人所中傷。罷歸。家居四十年。修族譜。立義學。施贍田。其諸善行多可記。

**常景周**

字濂堂。嘉慶癸酉順天舉人。原任安徽潛山縣知縣。署六安直隸州知州。壬午秋大兩江淮一帶。頗憂墊溺。景周力爲保全。不避艱險。未及請命。旋出倉穀數百石。以救民生。又

新修曲沃縣志

卷十九

第四表

封爵表

官績附

十八

勸殷實家捐貲出粟。以補不足。民遂得安堵。署六安時。俗尚滋訟。習律令家。自爲簿記人。過失。訟時爲証。周始至。發奸吏。繩豪猾。俱置諸法。有不便於民者。悉格之。歸家後。日以訓子課孫爲事。乙丑丙寅。連遭凶歎。周賑饑村人。活者不可勝計。卒於家。

**蓋運長**

字景僕。嘉慶壬戌進士。點翰林院庶吉士。乙丑改外。選廣東澄邁縣。縣故瀕海。嘗獲大盜數十名。並大礮二。爲人冒其功。又海寇薄城。運長竭力守禦。城賴以全。以卓異薦。回任後。連丁內外艱歸。服闋。授甘肅安化縣。旋署寧夏。未幾。調補皋蘭。皋蘭省城首邑。運長不激不隨。盡心民事。民以大和。陞肅州直隸州知州。又陞潮州府知府。道光六年。西域用兵。調任蘭州。以兵差無悞。陞任安肅兵備道。庚寅。西域遣擊復煽。運長總理軍需局。籌備糧餉。採買駝隻。製造軍仗器械。事平以病歸。歸二年而卒。

**裴念謨**

字子猷。幼孤。依兄念典成立。友愛綦篤。嘉慶初年。川楚教匪倡亂。延連六七載未滅。念謨首先捐餉。以軍功議叙。授戶部江南司主事。晨出暮歸。勾稽出納。堂官咸倚重焉。三年。奏留。將補缺。以兄念典喪告歸。歸而好善樂施。鄉里感其德。每際風日清和。法書名畫。臨撫以自遣。年七十三而卒。後以子守聰雲南楚雄府。誥封中議大夫。

**李**

**石**

字聲甫。南薰里人。廩貢生。侯銓教諭。十歲能屬文。有奇氣。署壽陽學篆。訓課有方。邑

**劉植** 史村人。嘉慶辛酉拔貢。登甲子賢書。大挑。選襄垣縣訓導。勤謹供職。教課有方。俸滿。保舉知縣。分發江西試用。攝長甯縣篆。清釐積弊。寬猛兼施。事苟利民。必亟興舉。以年老告歸。設帳里中。誘進後學。後病卒。墓在所居村東。

**楊學顏** 字心齋。西楊柳村人。嘉慶丁丑進士。任廣東恩平縣知縣。歷署佛岡軍民府。瓊州府撫黎同知。兼理感恩縣事。有政聲。公正廉慈。絲縷無漁於民。卒於任。

**王聚奎** 字星六。一字池南。號靜塘。東凝村人。嘉慶間任安徽旌德縣知縣。勤慎廉明。案無積牘。遇民刑案件。判決明允。咸以神明宰稱之。在任。嘗承辦漕糧。運至江心。忽遭大風。舡身裂縫。浸濕米一千六百餘石。礙難解交。議者謂此係天災。請詳報上峯查驗。免致貽累。公引咎自責。情甘墊賠。遂挪借銀六千三百餘兩。如數另購。將米交兌。所借款項。均陸續由原籍運銀還清。雖毀家弗恤也。至僚友之告貸。親鄰之假借。為數尤多。仗義疏財。公善本諸天性云。

**許濂** 字藕塘。南薰里人。附生。道光辛巳制科。舉孝廉方正。授安徽徽州府通判。居官多異政。後告歸。集邑諸名士。討論經史。剖析奧義。與子姪輩聯床課藝。一時會中。文士踵相接焉。

**崔紹聞** 字祇庭。望絳村人。給諫致遠公後也。道光乙酉選貢。登本科賢書。以大挑署潞安府

### 新修曲沃縣志

### 卷十九

第四表 封爵表 官績附

### 十九

教授。補嵐縣訓導。訓課士子。著有實效。告歸。開館授徒。從遊者多所成就。與壽陽祁文和公。陽曲賈瑜。聞喜喬晉芳為執友。居鄉善解紛。邑中大事。多賴贊襄。因勸捐軍餉。保舉得中書。年七十四卒。

**衛佐堯** 字唐牧。小南莊人。道光戊子解元。以大挑一等。分發陝西。借補商州直隸州州同。歷署山陽清澗縣事。監掌剔瓜。不名一錢。林文忠公撫陝。以關中治法論。甄別屬員。唐牧為第一。行將有不次之擢。而文忠去陝。遂回原任。未逾月卒。商士紳感其遺德。請於上官。奏准崇祀名宦。有從容堂詩稿。脉證歌。藏於家。

**文塏** 字爽齋。陶院村人。由例貢遞捐郎中。籤分戶部浙江司行走。兼陝西司主事。學習期滿。留部補用。道光二十一年。補廣東司郎中。浙江司主稿。兼辦秋審處。俸滿記名。以知府即用。籤掣雲南。到滇後。奉委署麗江府。兼理兵務。信賞必罰。教養備至。修書院。培人材。去麗日。紳耆士民兵丁。攀轅跪送者盈於路。旋調補澂江府。教民耕種。訓士讀書。興利除弊。在在悉本誠心。遇歲饑。捐俸發賑。民望之若慈父焉。咸豐癸丑。謝病歸。居鄉排難解紛。睦鄰敦族。生平無疾言遽色。年七十餘卒。

**崔偉** 廬貢生。署解州訓導。兼理學正。正身課士。修葺廟廡。學署。助寒士薪水。州牧以品學

兼優。訓課勤敏。保舉儘先選用。旋里。值親病。侍養。不復出仕。後張雪樑明府。建考院。修書院。續縣志。偉俱與有力焉。

### 段靈淵

北關廂人。丁酉科亞元。大挑二等。署潞城縣學訓導事。丁內艱。服闋。選汾陽縣學教諭。陞澤州府學教授。安詳平易。不擾不競。歿於任。

### 衛爾福

東興里人。以武生隸湖南辰沅永靖兵備道標下。歷陞鳳凰廳屯田守備。時苗民倡亂。奉檄守貴州甯遠等處。日夜防勦。積勞成疾。卒。子丕承先奉母旋。嗣於同知六年。復至湘。謀返糶。終以資斧有缺。僅負骨歸。鄉里稱之。以爲廉官之後。應有孝子。

### 張輔世

楊林里人。前廣西左州知州。委署甯明州事。值交趾貢使過境。以冬月河淺舟膠。輔世虔禱河神。水陡長而貢船渡。旋署永甯州。蝗蝻作。復默禱。越日悉斃。至修文廟。繕城郭。班班善政。左邑士民。至今爭傳焉。

### 賈卓立

萬戶村人。道光壬午舉於鄉。任垣曲縣訓導。交友必擇。卒於任。張伯喬先生有詩誌之。

### 裴驥

字雲衢。大李村人。任廣東瓊州府海防撫黎軍民同知。甫到任。陵水萬州等處。黎人

## 新修曲沃縣志

### 卷十九

第四表

封爵表

宦績附

二十

告變。驥約崖州副將夾攻。亂始息。瓊屬十三州縣。列布如環。黎居其中。時常滋擾。驥擇邱文莊海忠介撫黎要條。稟請在海口所。添設同知。首禁米穀出洋。瓊屬豐富。黎民乃安。水尾鎮巡檢段恂者。襄陵人也。卒於官。遺孤方六歲。僕輩竊物逃亡。驥爲之追還。撫其遺子。迨年長。扶襯歸籍。乃按簿悉交。無毫髮私。後以腿疾告歸。鄉人矜式。道光丙午。稷粟一百五十餘石賑饑。全活甚衆。

### 裴

#### 驥

字鐵軒。大李村人。初授雲南楚雄府知府。宣宗成皇帝。訓以察吏安民。驥鏤牌佩之。到任後。興利除弊。培文風。理冤獄。上憲器重。歷署麗江普洱。兼攝中甸同知。黑白鹽井提舉。俸滿。以終養告歸。邑中建考院。驥爲之首倡。服闋。坐補署曲靖。再署麗江。時姚州回漢互鬪。州牧請兵。大憲以驥習知民情。飭令彈壓。驥以恩威利害開導。凶醜頓息。未幾。卒於官。士民咸痛惜之。

### 裴奉鈞

大李人。初任貴州都勻府經歷。調清平凱里縣丞。力除滑吏蠹役之害。善撫苗人。俸滿。卓異。加一級。即升署貴定知縣。前任虧款甚鉅。將揭參矣。奉鈞憫其無力。出結自認。後選江西新喻縣丞。推升貴州清平知縣。

### 裴奉鐸

奉鈞弟。初任兩淮鹽運司知事。稽查兩鹽。嚴緝私梟。開挖河道。三記大功。升廣西

潯州府通判。晉秩提舉。丁艱歸。兄弟眷口食指數百。獨力承任者。十有七年。道光丁未。歲饑。出粟賑濟。邑中凡有公舉。多資匡勳。生平嗜左史。晚年猶手不釋卷。立孜恒齋。著述自娛。

### 張鶴青

字松亭。號一仙。朔賢里人。少負才名。雅不好時文。嘗從伯喬先生遊。晚年以明經任

### 仇恩注

字叔俞。恩榮弟。由方畧館供事。議叙府經歷。分山東河工。保知縣。署禹城縣事。數月。

清積案百餘。旋授鄆城縣知縣。時粵匪鼓煽。土寇乘間發。率勇擒渠魁。又築邑西南濼河。民以又安。黃水泛溢。各路文報征兵。胥迂道於鄆。事剏辦而措置有方。隨奉繳兼理范縣。復調勦營務。旋赴晉采辦軍礦。民立碑以致追思。回東。署膠州。捕海寇。商民安堵。兩至諸城。政平訟理。修文廟書院。捕蝗焚蝻。皆自捐俸錢。同治丁卯。賴逆犯東。率民拒守。賊十犯。城卒無恙。民頌以德寬法峻。心誠保赤。其再至也。以復見青天誌幸。並生祠之。調長清。諸民訴留。格於例。不許。民揮涕攀轅。達境外。長清地曠闊。兼強逆在河西。保境防寇。以靜御紛。民尤德之。所至矢勤慎。案無留牘。歷以勞績。賞花翎。運同銜。同知直隸州用。旋推升甘肅寧夏府通判。撫臣丁公寶。以東民攸賴。破格爲奏留。旋以疾卒。朝邑閻公敬銘。撫東時。尤以清勤見知。聞其歿。悼惜之。爲表其墓。

## 新修曲沃縣志

### 卷十九

第四表

封爵表

宦績附

二十一

### 王福茂

字錫莊。南郭馬村人。道光二十二年。報捐河工通判。旋以軍務孔亟。竭力助餉。優叙

鹽課司提舉。值北河秋漲。總憲調選東河。後又改撤北河。委署大名府同知。是年冬。彈壓琉球貢使於山左。嗣解京餉八萬。車力人役之費。皆獨力任之。

### 文在瀛

陶院村人。道光癸巳進士。任直隸臨城知縣。調補井陘。去之日。臨民依依不忍釋。製

匾。鼓吹送之。陘。由是循聲卓著。在陘修文廟。並加膏火。士民愛戴。上游嘉之。奏請加知州銜。陞大明府鹽河督捕同知。引見後。留省。在發審局襄辦案件。剖判曲直。悉當其情。旋奉委清查州縣倉穀。盡心勞晷。後調補順天西路同知。歿於任。

### 李元亮

字采臣。王子舉人。報捐訓導。任平順鄉學事。寒氈自適。循循有儒者風。士林仰如山

斗。嘗以春風廣被。化雨均霑頌之。翰林院編修袁承業誌其墓。

### 王者家

下塢村人。以典史署甘肅涼州府平番縣縣丞。委河東提餉。還至平涼府。加同知銜。

候選州吏目。時回匪作亂。日夜守城。卒以衆寡不敵。城陷而殉。平涼民祀之忠義祠。

### 李肇祺

號介堂。咸豐元年。以附貢任豫靈寶丞。二年。州委幫辦縣事。兵出函谷。減車剔弊。勤

慎催趨。時有行營主將失馭。兵弁露刃呼嘯。幾不測。肇祺力調停。乃無事。觀察恒丞稱爲老

練三年。授闕鄉令。卒於官。

**閻經一** 在城人。以附貢捐授陝西巡檢。抵省。即委解麟遊軍餉。冒矢石。直抵麟遊城下。引繩而上。隨同勦賊。事竣。復委解英毅營火藥。署潼關風陵司。到任後。奉提督曹札諭曰。閻經一解餉來營。隨同勦賊。著有軍功。已經保舉。扎到即換六品頂戴藍翎。不數月。擒匪圍潼關。復與蔣道憲阿協戎。晝夜守城。百餘日。而圍始解。以勤勞致疾歸。數月而卒。

**楊鳴謙** 西楊柳村監生。原任陝西華州吏目。戡盜擒囚。著有政聲。回逆亂。防守西安城垣。衣不解帶者三月。記大功一次。以府經歷用。

**趙建斗** 字星橋。前刑部主事。咸豐二年。改任山東曹州府定陶縣知縣。蒞官清慎。嚴而不刻。查拏捻匪。除暴安良。陶人至今頌之。

**文廷琛** 字寶臣。由貢生任大理寺右評事。京察一等。簡放廣西梧州府同知。襄辦軍務。卓異。加運同銜。署南甯恩理苗同知。造礮船有功。制軍中丞。以強幹薦補用知府。署恩恩慶遠等府事。補平樂府知府。

**趙鴻熙** 南常村人。清道光時。任貴州安南縣知縣。境有苗民。梗不歸化。趙躬督營兵民壯數

## 新修曲沃縣志

### 卷十九

第四表 封爵表 官績附

一二十一

百。四旬之間。除勦殆盡。會長曾洪發。歲久盤踞。殘民以逞。拿獲刑斃。地方安謐。安南民創建生祠。歲時致祭焉。

**周海清** 字友石。東城村人。清光緒甲午科優貢。朝考知縣。署雲南劍川州知州。邑東門外。舊有劍海。數百年前。曾食其利。河渠久已湮沒。公欲復其水利。邑紳咸以爲難。公曰。天下事在人爲耳。乃刻日興工。率邑紳徒步出郭。危立海岸。指揮數百人。辰出酉入。甫三月。千餘畝膏腴盡復。更濬永豐板登金龍等河。其成效亦卓著。邑民感公之德。留之至再。任職三年。善政甚多。此特舉其犖犖大者。宣統元年春。卒。年四十四歲。

**行澤春** 字柳村。史店村人。清光緒丁酉科拔貢生。署理長治教諭。河南鄭州直隸州州判。民國初年。歷署隰縣夏縣知事。長於詩賦。兼優吏治。政尙清廉。以不擾民爲宗旨。在夏縣任時。民有習金鐘罩者。先生偵得其情。飭警密拿。卒得於西南山深洞中。解交河東道尹。四境賴以安堵。先生交卸月餘。匪黨四起。幾至城破。全邑震動。夏邑之民。咸追念不已。曰。先生若在。當不至此。至整練巡警。設立高等小學校女學校。善政善教。尤歷歷可述焉。解組日。父老孳孳泣留。至馬不能前。退居林下。賦詩教子。以寫其樂。逾年無疾而卒。年五十八歲。

**仇汝誠** 原名汝賚。字鸞侯。故山東諸城令。思注長子也。少時資甚鈍。讀書日僅十與行。稍長。

攻苦甚勤。每夜篝燈携卷。嘗至漏三四下。寒暑無間。十九補博士弟子員。旋列優等第一人。食餼。鄉試屢薦不售。以府經歷分山東。不樂就。旋棄去。歸中式丙子科舉人。爲諸府縣幕客。長於公牘。丁戌大祲。就夏縣令萬公聘。一切請賑。緩徵各善政。悉由其經營。擘畫活人甚衆。及己卯。稍有收成。各州縣紛紛請開徵。君語萬公曰。民困未蘇。蓋請再緩一年。幕中人不敢動筆。君代屬稿上之。情詞運人。曾忠襄公覽之。大爲嘉獎。萬以是名重於上下。後主翼城安邑講席。教學勳品。爲法士林。弟子擔簪負笈從學者。至一時。承其教者。先後輩黃騰達者數十人。如翼之李道春。浦安之葛公爾壽。尤其顯著也。乃九上春官。僅以己丑大挑二等。選授崞縣教諭。整飭士風。爲士子所矜式。其發跡者。不下於翼城安邑。歷任縣令。要政多諮訪倚任之。晚年嗜學尤力。嘗手一卷。雖一飯之間不少輟。召長孫曾詒至署。親爲教授。集有悔遲齋叢書數十卷。特刻在崞。十二年而卒。士林至今思之。子元佑。字吉人。嗜讀有父風。弱冠入庠。歷經堂備以額滿見遺。以府經歷仕陝西。旋升署石泉縣知縣。雖在任爲時無幾。而善政甚多。丁父憂後。爲欽差墾務大臣。貽調赴歸化。爲西監總辦姚太守所倚任。後仍歸陝。爲勸業道科員。政體改革後。回晉。歷辦磧口東陽關平孟交文稅務。創辦絳曲一帶屠宰稅時。當民國草創。財政困難之際。元佑召集商旅。樂出其途。涓滴歸公。所濟於公家者甚鉅。故當

## 新修曲沃縣志

### 卷十九

第四表

封爵表

宦績附

二十三

道樂用之。先後差委。絡繹不絕。後在交文聞繼母。計請假星夜奔。喪中途中暑。甫抵家。旋卒。

### 仇元琛

字獻廷。敬裔。恩注孫。汝錫繼配。旌表節孝宮氏第四子也。幼聰穎能文。十五冠童子

軍。補弟子員。後以家貧。母寡。出遊山左。爲人作記室。繼經商勝縣。十餘年。家稍裕。歸爲國民學校教員。民國元年。任垣曲縣知事。垣毗連豫境。盜賊出沒無常。琛日理民事。傍晚則率壯勇警兵。巡行河岸。與悍賊相撲戰。調度有方。擒誡頗多。賊遂大創而去。相戒不敢入垣境。上其事。同武將軍嘉之。給以一等名譽獎章。琛乃修城池。勸農桑。興學校。與民休息。在垣三載。百廢具興。及去官。擊轅臥轍者。相屬於道。以鼓吹導送歸里。在家舉樂三日。爲太夫人壽。鄉人羨之。曰。琛善爲吏。能得民心。足以榮其親矣。金巡按使薦保薦任職。分山東。臨行。其母諭之曰。吾祖宗世以廉吏傳家。山東又汝祖履官之地也。遺愛猶存。汝其勉繩祖武。吾貧苦自甘。不需彼方絲毫物也。琛遵母訓。到東清慎有加。奉委至蓬萊。未幾。即攝邑篆。政平訟理。民愛戴之。以母病。請假歸。母旋卒。後奉委爲蒲屬實察員。隨委署寧武。寧武地瘠民貧。琛以不擾爲安。以不取爲與。官民相得。然琛自母歿後。以哀毀致疾。請歸調理。上官調其赴省。而病日重。遂致不起。年僅四十有二。上官暨民人聞者。無不痛惜之。

**劉師寵** 字選一。本城人。陝西直隸州用。任臨潼縣知縣。視事後力剔積弊。刷新庶政。改良學校。振興實業。事舉而民不擾。時國家方銳意變法。上憲聞知。大奇異之。公性豁達。善辭令。熟習閭閻情形。尤長於折獄。一有民刑案件。立予判決。曉以曲直。諭以利害。案無積牘。民無怨言。在任年餘。民間無受訟累者。後升調有期。地方累呈上峯。乞留未允。去之日。百姓遮道歡送。爭製甘棠遺愛。召父杜母。學道愛人等旗傘遺之。以留紀念。未幾授延長石油廠提調。指揮開礦事宜。井井有條。廠務大有起色。在省歷充各要差。上憲以公嫻於吏治。通達民隱。遇事輒諮詢之。民國起義。公以親老。告假旋里。優游林下。課子以讀。督僕以耕。有隱君子風焉。

**仕籍** 文武並載

金

**靳秘** 歷任大都評事。

元

**靳麟** 承襲絳陽軍節度使。

**李材** 晉寧路織染雲南局提副。

新修曲沃縣志

卷十九

第四表 封爵表 仕籍

二十四

**李和享** 渭南縣主簿。

**許居仁** 本同治管勾。

**李汝弼** 猗氏縣尹。

**許居敬** 泉貨盛奏差。

**李廷珪** 建昌路雜造局副使。

**許明** 信州路杉溪寨巡檢。

**許遵義** 八角司副使。

**王潤** 三務副使。

**許師貞** 宜慰司典史。

**李泰** 稷山縣尹。

**許質** 江都縣尹兼勸農事。

**許庸** 遊義子。任副使。

**荆世傑** 喬村人。江寧縣稅務都監。

**荆德** 喬村人。平江路錄事。

**荆守道** 本縣酒醋稅務使。

明

**春芳赤** 按察司僉事。

**李山** 秦安縣典史。

**張朝志** 寶雞縣典史。

**李永茂** 義門人。考城縣主簿。



趙雲輔 喬村人。靜海縣主簿。

秦效周 義門人。南和縣典史。

李國楨 上馬人。湖廣石坡司巡檢。

王一正 義門人。青田縣典史。

翟柏林 安後伊陽縣主簿。陝西山丹衛經歷。

張師正 生員。翔賢里人。以助餉議叙。縣丞。有傳。

李明 衢州府照磨。

許譚 千戶尉吏目。

耿霽 文明子。東昌府照磨。

李金 宜君縣知縣。

張琦 秀水縣主簿。

王家棟 義門人。館陶縣典史。

李三省 義門人。在平縣典史。

秦效于 義門人。英山縣典史。

李應武 秦崗人。元城縣典史。

郭國用 小李人。宜川縣典史。

因紀 內邱縣縣丞。

李敷 滑縣主簿。

梁繪 河間府通判。

衛淪 保安州吏目。

耿霧 文峇子。懷慶府照磨。

趙津 南京經歷。

新修曲沃縣志 卷十九

第四表 封爵表 仕籍

趙漑 鴻臚寺序班。

李芬 按察司照磨。

張進祿 鄆縣主簿。

呂廷臣 長壽縣主簿。

因鴻 邠州吏目。

李承惠 光祿寺監事。

李文林 礪山縣主簿。

衛鎬 固城縣主簿。

李在 城固縣主簿。

衛尙敬 西城兵馬。

梁耀 偃師縣主簿。

張鈞 商和二州吏目。

李鳴川 印江縣知縣。

仇環 鄆州同知。

衛尙思 邠州吏目。

蘇世達 三台縣主簿。

梁燦 淮安府經歷。

陳尙義 渭南縣縣丞。

李僖 鴻臚寺序班。

賈仲賢 歸德府照磨。

李炎 河內縣主簿。

仇珂 鴻臚寺序班。

仇重光 臨漳縣主簿。

許光濟 衛輝府照磨。

因梧 太常寺主簿。

李華春 密縣主簿。

梁培 趙州吏目。

楊學顏 膠州吏目。

張一鳳 正兵馬。

吳中彖 鴻臚寺。

郭惟解 秦州吏目。

郭生芹 任鴻臚寺。

清

李長春 秦府典寶。

李從甫 趙州吏目。

辛溱 衛輝府照磨。

因桐 濬府長史。

李佶 光祿寺監事。

李九成 光祿寺署丞。

李修 開封府經歷。

李茂陽 淇縣縣丞。

因其盛 滋陽縣縣丞。

因其公 中書舍人。

新修曲沃縣志 卷十九

第四表 封爵表 仕籍

二十六

衛周允 在城人。歷任工部兵部左右侍郎。

衛周祚 周允弟。歷任吏刑工部尚書。文淵閣大學士。

王永和 義門人。江南龍潭驛驛丞。有傳。

李必昌 義門人。南城縣巡檢。三省子。

王有待 義門人。松林驛驛丞。

張拱垣 東閣人。由吏員歷任河池州。吏目。

許燦 東興里人。由吏員任建安縣簿領司巡檢。歷陞江西饒州府安仁縣知縣。

馬九齡 香邑人。任江西吉水縣白沙司巡檢。

王體乾 郭馬人。南平縣縣丞。

李佃 南董里人。由吏員任定興縣典史。

王廣運 義門人。湖廣倉大使。

董謙 東興里人。由吏員任浙江安西奉口稅課大使。河南太康縣典史。

趙錫袞 西莊人。由生員任鴻臚寺序班。

樊居敬 西通里人。由吏員任河南許州吏目。

楊體仁 西閣人。由吏員任廣東香山縣黃圃司巡檢。

常日瑄 北白集人。天文生。欽天監漏刻科掣壺正。

賈漢復 隸籍正。藍旗。授佐領。累陞副都御史兵部尚書。加太子太保。歷任陝西河南巡撫。有傳。

賈漢誼

漢復弟。歷官崇陽縣知縣。懷林州知州。滿州籍。有傳。

賈國彬

漢復子。歷官佐領參領。

陳宏周

長沙縣縣丞。

賈國桓

漢誼子。歲貢生。候選州同。滿州籍。

賈國樞

漢復子。歷官桐梓縣知縣。開州陞涼州知州。刑部員外郎。滿州籍。

賈焜

漢復孫。國棟子。貢生。任正藍旗蒙古都統隨印筆帖式授石泉縣知縣。滿州籍。

賈煜

國棟子。監生。宿遷主簿。滿州籍。

吉太徵

嘉興府經歷。

董國器

廣信府照磨。

李文林

任陽山縣主簿。擢王府典儀。

呂成科

邑人。投誠在正紅旗。包衣管領下人。世居鐵嶺地方。原任典儀。

呂九思

成科子。原任典儀。滿州籍。

呂猶龍

九思子。浙江巡撫。有傳。

呂大雲

原名大春。揚州知府。滿州籍。

呂大成

原任知府。滿州籍。

呂大雅

原任知府。滿州籍。

仇帝臣

任江都縣主簿。擢高郵州知

新修曲沃縣志

卷十九

第四表

封爵表

仕籍

二十七

裴復度

邵武府同知。

裴率度

大李村人。江西巡撫部院。

衛嘉可

鴻臚寺序班。

李宗泌

鴻臚寺序班。

薛景宣

鹽城縣縣丞。

裴宗錫

律度子。歷任安徽雲南巡撫。

祁伯熊

蒿縣知縣。

賈士達

閩鄉縣縣丞。

衛士駁

魚台縣主簿。

賈國楹

興安州知州。

許文龍

任三角司巡檢。

趙秉銓

任桑陽典史。

行有楨

廣東肇羅道。

董洪周

任羅城典史。

吉天申

歷官分巡蘭州道青州運同。

翟必翔

任廣東海豐縣知縣。

王醇

任山東沂縣知縣。

上官成德

任江蘇海州巡檢。

董孔文

任廣施典史。定邊縣大鹽池鹽大使。

行有任

青州運同。

李梓

任泉州府照磨。

許元龍

任正定府經歷。

崔振遠

捐授通判。欽差江南變產使。

張曠樞

在城人。江南驛鹽巡道。

柴秉郁

上太許人。歷任太平高平等縣教諭。

許學講

東許人。高邑縣知縣。

翟世寧

在城人。廣東四會縣知縣。

仇賦莘

在城人。台灣縣知縣。

翟聲煥

在城人。署湖南按察使。

楊學顏

西楊村人。廣東恩平縣知縣。

蓋運長

在城人。安肅兵備道。

趙步斗

上陳村人。垣曲縣教諭。

王聚奎

東凝村人。安徽旌德縣知縣。

衛厚

張少村人。直隸順德府同知。

崔紹聞

望絳村人。嵐縣訓導。

李元亮

在城人。平順縣訓導。

文在瀛

陶院村人。直隸大名府鹽河督捕同知。

王恩耀

在城人。興縣訓導。

仇汝能

本城人。河南內黃縣主簿。

楊鳴謙

西楊柳村人。陝西華州吏目。

韓子康

高顯鎮人。應州教諭。

韓子泰

子康弟。天鎮縣訓導。

王邦佐

東凝村人。山陰縣訓導。

文廷琛

陶院村人。廣西平樂府知府。

新修曲沃縣志

卷十九

第四表

封爵表 仕籍

二十八

吉守中

聽城村人。寧武縣教諭。

趙會昌

南平望人。聞喜縣教諭。

郭瀚

北郭馬人。直隸平谷縣知縣。

王檢身

北柴村人。崞嵐州學正。

仇汝誠

在城人。崞縣教諭。

張崇讓

方城人。榆次縣教諭。

王應運

北莊人。陝西環縣典史。

李明德

山下村人。朔平府教授。

李景南

西城村人。武鄉縣教諭。

周泉清

東城村人。蒲縣訓導。

鄭炳榮

下塢村人。陝西甘泉縣分縣。

周海清

泉清弟。雲南劍川州知州。

仇元佶

在城人。陝西石泉縣知縣。

董猶龍

八頃村人。左雲縣教諭。

張貫聞

方城人。嵐縣教諭。

趙鍾烈

陳村人。萬泉縣教諭。

劉師寵

在城人。陝西臨潼縣知縣。

仇元承

本城人。陝西畧陽縣典史。

民國

行澤春

史店人。歷任夏縣隰縣知事。

仇元琛

在城人。歷任垣曲寧武等縣知事。

仇曾詒 元信子。綏遠財政廳廳長。

張永和 高村人。河南鞏縣知事。

張龍恩 東凝村人。和順縣承政員。

喬漪艇 南平望人。山陰縣承政員。

解占元 在城人。太原縣承政員。

仇元鑰 在城人。朔縣承審員。

王士毅 麗那村人。永濟縣實業技士。

王履端 西侯馬人。翼城縣宣講員。

李清貞 南吉村人。河東鹽務稽查官。

王憲康 東凝村人。山西教育廳督學。

趙瑞雯 南平望人。安邑縣區長。

仇曾祐 曾詒弟。神池縣知事。

靳學詩 靳家院人。昔陽縣承政員。

周敦信 在城人。定襄縣知事。

李天相 南林交人。汾西縣主計員。

席春元 席村人。石樓縣主計員。

裴士清 大李村人。安邑縣實業技士。

劉繩祐 在城人。大同縣承政員。

賀天祿 西台神人。洪洞縣承政員。

裴昭仁 大李村人。五臺縣主計員。

楊溫泉 秦村人。猗氏縣區長。

谷毓嵐 張王村人。汾城縣區長。

新修曲沃縣志 卷十九

第四表 封爵表 仕籍

崔鳳岐 望絳村人。陽城縣區長。

武丕文 西張寨人。趙城縣區長。

以上文籍

宋

靳六取 歷任大司馬懷遠大將軍。

金

靳真明 歷任征南大元帥。

元

靳義 歷五征西千戶功。加行營副侯。

宋得達 威武將軍。

靳顯 歷任四川大元帥。

白祐 程村人。中統至元間。戰功最多。進義校尉。管軍上百戶。鎮守海南瓊州。會孫繼祖。受勅命如前職。出鎮瓊州。軍還。隨征廣西蠻賊。賊平。承旨受。

金綺一端并襄元帥府。後卒於軍。

明

馬安 玉林衛指揮僉事。

李昇 玉林衛指揮同知。

郭斌 勝子。襲父職。陞山西行都司指揮僉事。

裴良積 萬歷間錦衣衛大漢將軍。

郭鎮威 鎮彝弟。歷任叅將。有傳。

許維翰 遵陽營守備。

田汝增 褚村人。歷官開封府副將。有傳。

郭勝 玉林衛指揮使。陣沒。

巨旺 玉林衛指揮僉事。

王會 任白羊守備。

仇時明 祿孫。歷任京城內外巡捕。前軍都督府左都督。

杜逢林 由副榜任河南院鎮守備。

賈東才 蘇村人。職守備。有傳。

王政 秦村人。榆林守備。有傳。

清

郭際泰 瓊州府守備。

許端 雲南沅江守備。

新修曲沃縣志

卷十九

第四表

封爵表

仕籍

三十

郭千雄 大同都司。

郭承恩 辰常守備。

董煒 廣東左翼鎮標水師右營中軍守備。

杜彪 雲南曲尋武霑鎮遊擊。

李天眷 上西關人。由武生効力武健營。沒於陣。授守備職。

郭寧基 字清字。古利賢坊人。平刑關守備。

李德秀 西通里人。中順天武舉。任浙江衛守備。瀟州籍。

吉孔惠 歷官浙江象山協副將。

衛爾福 在城人。鳳凰廳屯田守備。

衛不承 爾福子。夏城縣巡警管帶。

民國

吳廷琳 東莊人。山西陸軍第三十一團團長。

行藜青 史店村人。陸軍步兵上尉。第六團團副。

牛鳳山 西凝村人。國軍第二集團軍第五十五團團附。

張永慶 西高林人。國軍第三集團軍前敵總指揮部秘電處少校主任。

王兆慶 東莊人。山西督軍公署副官。

王文滙 秦村人。陸軍步兵少校。

吉文蔚 聽城村人。第三軍騎兵旅參謀長。

仇曾幹 本城人。夏縣警佐。

李英傑

大南莊人。晉城縣警佐。

張俊嶺

郭村人。陸軍步兵上尉。

褚自雋

褚村人。陸軍步兵上尉。

武智文

西張寨人。河津縣巡官。

關守身

大南莊人。山西第一保安隊第一分隊長。

許登榜

賈祁村人。陸軍步兵上尉。

谷永春

蘇村人。陸軍步兵上尉。

以上武籍

鄭開生

大南莊人。臨縣警佐。

許英

東凝村人。陸軍步兵上尉。

段新畬

東明德人。陸軍步兵上尉。

李邦傑

大南莊人。新絳縣巡官。

侯國璋

下郇村人。陸軍步兵上尉。

楊長庚

聽城村人。陸軍步兵上尉。

勘誤表

| 卷數 | 頁數 | 行數 | 誤   | 正   |
|----|----|----|-----|-----|
| 十七 | 四  | 十一 | 熟知之 | 孰知之 |
| 同  | 九  | 十六 | 廉辦  | 兼辦  |
| 十九 | 廿二 | 廿七 | 十與行 | 十餘行 |
| 同  | 廿三 | 四  | 蓋請  | 盍請  |
| 同  | 同  | 五  | 運人  | 動人  |